



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

XV. Die Ivlii.

urn:nbn:de:hbz:466:1-9625

Fidr.
 sus, manibus pedibusque per extremos digitos ad tergum reuinctis, & manicarum ac pedicarum aculeatarum tormento dire infertis. Collo innexum erat collare ferreum, trifariam aculeis confertum, quorum alij recti eminebant, alij sursum, deorsum alij vergebant; igne quoque quo ipse lente torreretur, admoto. Vbi vsta pellis ibat in bullas & pustulas, illis ferro apertis acetum cum sale ac pyrio puluere infudere. Sic per decem ipsas horas cruciatus Philippus, capite deinde plexus est, obrentu prodicionis, re ipsa odio fidei orthodoxae; vt patet e narratione à Bullonio Duce conscripta; & e calumnia ab haereticis confata per Lansmannum, cui ob vitæ spem mentito, vitæ promissæ loco mors illata est. Philippus in loco supplicij obiecta omnia falsa esse affirmavit, ac dixit se mori innoxium, & pro Catholica, Apostolicâ, Romana Ecclesia.

**GERARDVS
 DOMINIQUE COAD.**

*Callus Mus-
 sponi 14.
 Iulij 1674.*

3. P.
 Hinc pietate, mirâ simplicitate, in officiis assiduitate fuisse perinsignem aiunt qui cum illo vixere. Deiparæ Virginis fuit studiosus constanter. De illa libenter & audiebat & loquebatur. In extremâ senectâ eius coronam semper sibi voluit præ oculis esse de sella pendentem, vt esset ad manus: fuit in ea versanda & recitanda multus ac frequens. Illi penso attegebatur orationum quiddam quas piè magis quàm concinnè rhythmis Gallicis olim Christo in cruce patienti, collachrymantique Deiparæ cecinerat. De rebus caelestibus & frequens & libens colloquebatur Quocirca libentius cum iis versabatur quos videbat id genus colloquiis impensius de-

lectari. Quos inter fuit is qui tunc Mussiponti Theologiam scholasticam explicabat. Huic postea (mortuo ferè ante triduum Gerardo) die S. Alexij, aliquando post mediam noctem ad oratorium in genua procumbenti orantiq̃ (vt annuus ei mos est, idcirco quod præfati S. Alexij vita olim apud Ribadeneiram lecta religiosi eius propositi dux fuerit, & magistra) sese in cubiculo spectandum offerre est visum tum ingens & repentinum lumen, tum Charissimus Gerardus Coadiutor, & quidem cum veste Societatis. Interrogatus à Patre, *an Deo fruere tur!* capite, quod splendor ambiebat, modeste annuit; & ore, cui stellula micans inerat tanquam præmium colloquij frequentis de Deo & rebus spiritualibus, quibus dum viueret mirifice vnâ cum Patre illo afficiebatur, commendavit dicto Patri sermonem huiusmodi, *vt quid inferis amarum, superis verò gratissimum.* Deinde mox ex oculis se subduxit, hærente Patris cordi consolationis sensu liquidissimo. Hæc omnia illicò ad P. Thomam le Blanc eius Collegij tunc Rectorem, postea Prouinciæ Præpositum, retulit is Pater, ea chirographo quoque suo testatus, Rectore etiam subscribente. Variusque chirographum penes me est dum hæc scribo; & simul eiusdem Patris literæ Enschemio 30 Ian anno 1661. ad me datæ eorum quæ de Gerardo narraui testes. Certè ea res postea nostris tacito Patris nomine, narrata, propensos aliàs ad pia colloquia animos ad continuandum pij sermonis vsum haud mediocriter incitauit.

Vocatio.

*Stella or.
 Pia collo-
 quia.*

*Amarum
 inferis.*

XV. DIE IULII
 LII.

DD

P. IG.

P. I G N A T I V S

AZEVEDIVS CVM SOCIIS 39.

Lustratus
in mari ad
Palmam in-
sulam For-
tunatam.
15 Iulij
1570.
Silentium.
B.V.

Mortif.
Rosarium.

Imago.

Fides.

B.V.

Stat. 18.
Soc. 9.
Crucifixus.

Ilustri genere natus, in Societate ad virtutis exercitum toto die aliquando nihil omninò locutus est. In dulci suo silentio absorptus pallebat ab assidua corporis afflictatione, fluebatque in lachrymas pietatis. Imitandæ Virginis Matris puritatis ergò, vestem cilicinam candidam gestabat. idque ex voto Dei Matris reuerentiâ nuncupato. Eboræ collo energumeni rosarium Deiparæ iniecit; & pertinacem dæmonem, qui multos fatigârât, eiecit. In puppi navis quâ in Brasiliam vehebatur cum sociis, altare erexit, illique Româ secum aduectam S. MARIE Maioris imaginem imposituit. Ad Palmam (quæ vna est Canariarum seu Fortunatatum insularum) Piratæ hæretici in eum & socios irruere, Ignatius, arreptâ Dei Matris effigie, socios cohortabatur ad vitam optimo Deo consecrandam. Conclamavit Soria hæreticus piratarum antesignanus, ad suos piratas; vt Iesuitas occidant: *hos enim ad profeminanda praua dogmata in Brasiliam proficisci.* Ignatius in B. Virginis imaginis complexu conculcatus, capite saucius, lanceis confossus, Romanæ fidei veritatem contestatus, atque vt pro hac socij fortes occumberent omnes vnice hortatus, vnâ cum illa Deiparæ imagine cecidit. Hanc illi è complexu cum auellere haud satis facile possent furenter properantes hæretici, eum seminecem in mare abicere; vbi etiam corpus ab aquis se efferens, Deiparæ imaginem, mortuis quoque brachiis adstringebat.

Benedictus Castrius.

Ibidem in Crucifixi complexu se Catholicum clamans, tribus glandibus

ictus à sclopo, cæsus, confossus, in aquas iniectus est.

Emmanuel Aluarus.

In facie sauciatus, tabulæ affixus, confractis cruribus, & ossibus, adhuc socios hortatus ad mortem in causa tam nobili magno animo obeundam, in mare proiectus est.

Blasius Ribera.

Coram Beatissimæ Virginis imagine prouolutus, confractò gladiatorum capulis capite, obruncatus est.

Petrus Fonseca.

Coram eadem B. V. imagine, in maxilla pugione confossus occubuit.

P. Didacus Andrada.

Inter audiendum confessiones sicis confossus, cum in mare deturbaretur clamabat: *Pugnemus fortiter, socij; demus pro eo sanguinem cuius sanguine redempti sumus.*

Simon Acosta Nouitius.

Cum liberali aspectu nobilitatem generis testaretur, eoque viam sibi ad fugam patere videret; non tantum fugam non inuit, verum etiam coram Soria hæretico Principe piratarum fidem orthodoxam contestatus, tenerum iugulum dedit; & in fluctus præceps datus est.

Aliis pluribus veste nudatis ferrum hæretici altè in viscera adegere: ac ne natatu euaderent, præcisâ quibusdam brachia prius quam conicerentur in mare. Ludibrio habitæ sacræ vestes, arque reliquiæ: S. Theresia hoc ipso 15. Iulij & sabbati die, hoc anno 1570. P. Balthasari Aluarez diserte dixit, quot, & quomodo sint occisi: eosque affirmavit à se visos in cælo martyrij coronâ illustres. P. Ignatius Hieronymo fratri suo absenti radiis cæruscus apparuit. Anno 1616. 19. Nouembris multi de Societate qui in Paraquariam nauigabant, cum eo ipso in loco, vbi cum sociis Ignatius cæsus fuerat, in malacia cõstitissent, gaudiis mille

mille perfusi, visas à se aquas sanguine tinctas, & manu haustas stillantibus sanguinis guttis purpureas apparuisse, & gustatu quoque suaues fuisse sanctè testati sunt. Visos tunc etiam socios vulneratos, alios pectore, alios alià corporis parte, non secus quàm si cædes illa tunc patreretur. Adolescentens nobilis indole ac virtute, Sanctus Ioannes dictus vulgo, tironum ac sociorum modestiam adedò adamavit, vt ab Ignatio Societatem impensè flagitaret, cum iis assidue in omni exercitatione versatus; & licèt necdum tiro, tamen candidatus, cum socios occidi videret, se illis immiscuit, poritus morte quam exoptarat, Adactus dictus. Nomina omnium sunt:

Alexius Delgadus Lusit. ætat. 15. Novitius.

Alphonfus Vaena Hisp. ætat. 30. Soc. 3. aurifaber.

Alvarus Mendez. Lusit.

Andreas Gonzalez. Lusit.

Antonius Correa. Lusit.

Antonius Fernandez. Lusit.

Antonius Suarez. Lusit. Minister.

Benedictus Castrius. Lusit.

Blasius Riberius. Lusit. ætat. 27. Novitius.

Dominicus Fernandez. Lusit. Coadiutor.

Emmanuel Alvarus. Lusit.

Emmanuel Fernandez. Lusit.

Emmanuel Paecoccus. Lusit.

Emmanuel Rodriguez. Lusit.

Ferdinandus Sanchez. Hisp.

Franciscus Alvarus. Lusit.

Franciscus Magallianez. Lusit.

Franciscus Perez Godoius. Hisp.

Gaspar Alvarez. Lusit. Coad.

Gonzalus Henriquez. Lusit. Diaconus.

Gregorius Scriuanus. Lusit.

P. Iacobus Andrada. Lusit.

Iacobus Perez. Lusit.

P. Ignatius Azebedius. Lusit.

Ioannes Bæza. Hispanus.

Ioannes Fernandez. Lusit. Coad.

Ioannes alter Fernandez. Lusit.

Ioannes de Mayorga. Hisp.

Ioannes à S. Martino. Hisp.

Ioannes Zaurus Hispanus.

Ludouicus Correa Lusit.

Marcus Caldeira. Lusit.

Nicolaus Dinis. Lusit.

Petrus Fonseca. Lusit.

Petrus Nunnez. Hisp.

Petrus Fontorus. Lusit. Coad.

Simon à Costa. Lusit.

Simon Lopez. Lusit.

Stephanus Zurara. Hispanus.

His 39. addunt aliqui adolescentem illum Ioannem Adactum Societatis candidatum. Stephanus Zurara Te Deum laudamus cecinit cum eiceretur in mare.

Non tacendus inter hos omnes Franciscus Perez Godoius è P. Balthazaris Alvarez disciplina ad hanc mortem profectus. Hic rogatus in tirocinio; quid ita nitidè culinæ supellectilem breui iterum inficiendam expoliret; respondit; se, vesperi quotidie, vnà cum singulis diei totius occupationibus peractis, Deiparæ sistere. Nolle autem se coram illa erubescere cum vasis parùm exquisitè perpurgatis. In ipso cædis, mortiumque calore, illud quod sæpè à P. Balthasare Alvarez audierat, & pro sacro axioma usurpabat acroama sociis idèidem repetiuit exclamans: *Eia, fratres, non degeneremus à præcelis cogitationibus filiorum Dei.*

NICOLAUS.

LVILLERIVS. NOVITIVS.

DE hoc ita scripsi in præiosis occupationibus morientium in Societate. Colonia Nicolaus Luillerius Soc. Jesu Novitius demittendi sui ac

Germanus
Coloniae 15.
Iulij 1578.

DD 2

ad

ad nutum obedienter omnia faciendi virtute præcellens, æger tandem ad mortem cum doloribus eximie exercebatur, à Deo ad illos ferendos etiam robur accepit, notabili planè ad crucem ferendam inuitamento. Visus est, inquit Sacchinus, sibi videre Christum Dominum, prægrandi Cruce oneratum, cuius ille vestigia minori cum cruce maiori tamen molestiâ se-ctaretur. Verùm cum aliquando vidisset Dominum graui sub pondere labantem & commiseratus vellet in oneris eius partem succedere; seuro ad eum vultu conuersus IESVS. Qui, inquit, magna, & aliena feras, qui tua, eaque leuiora, non potes? Hac voce miro amore succensus, quamplurima tolerandi, relicto sociis illustri excelsi pectoris exemplo, ad idus Iulias breuem cruciatum cum æterna iucunditate mutauit.

*Patentia
etiam in
minimis
pretiosa.*

P. SIMON
RODERICIVS.

*Lusitanus
Vlyssiponæ
15. Iulij
1579.*

Hic è multis turbati animi salubris variè tandem eluctatus, magno documento fuit, magnos etiam prolapsioni magnæ esse vicinos, non obedienter subint, caueantque infidiosas fallacias Dæmonis depeccatoris diuitum etiam animarum. Fuit Simon è decem primis Ignatij, Patris nostri sociis vnus, multitarariam quidem non semel querelas miscens, querelisque aliorum vicissim obnoxius, verùm culpâ demum agnitâ, quâ suauissimum Ignatij parentis animum temerè non sine scandalo irritârât, ab illo indulgenter acceptus, è reo se innocentem fecit. Certè illum laudat Ignatius in iis literis, in quibus illum Lusitanæ Prouincialem creat. Et fuit ille eius Prouinciæ fundator è primis vnus. In carnem asper, suauis

Humil.

Martise.

in alios. Conimbricensem Episcopatum sibi à Ioanne III. Rege oblatum, cum lachrymis recusauit, obnixè contra obtestatus. In aula sapienter, ac religiose versatus est; eamque, *carcerem*, & *Purgatorium* appellabat; nec erubescerat ollâ pultribus plenâ onustus ire ad visendos carceres aulâ spectante; nec ad suâ stirpis, & familiæ commoda vnquam vsus est eâ Principum gratiâ, quâ pollebat. Virginitatis florem humilitate, in se ipsum aspero dominatu, & bis fugâ (dum à procacibus tentaretur) seruauit illæsum. Quæ vidit, quæ prædixit habet eius vita, vbi etiam inter diuinum officium recitandum à terra dicitur subleuatus, B. Virginis pulchritudinem suspiciens ad illa verba. *Adstitit Regina à dextris tuis*. De illo moriente in pretiosis occupationibus morientium in Societate sic scripsi: P. Simon Rodericius è primis Ignatij decemuiris vir à suis animi perturbationibus, tentationibus, doloribusque corporis multifariam exercitus; talentis, dexteritate, zelo insignis; æger non parcebat lachrymis, gemitibusque, quibus lacebatur beatam æternitatem, diuini-que conspectus desideria irritabat. Sæpè Ignatium, optatissimum vitæ socium, ac Parentem, amicis vocibus compellabat, eiusque & vnâ cum eo communis videndi fruendique Domini studio æstuabat. Veni, Domine, veni Deus animæ meæ; adesdum, Bone Iesu; ne cunctare diutius sed me quàm citissimè hinc ad te ipsum abripias. Aiunt ipso, quo Simon migravit momento, virum grauem, & pium à somno excitatum, fenestrâ apertâ vigilantibus oculis conspexisse manifestissimam lucem domui Professorum Societatis rectâ imminentem, è qua illi in animû plurimùm liquidissimæ voluptatis influeret. Manè comperit lumen illud Roderici conclau

Humilit.

Castitas.

*Oratio.
B.V.*

Mors.

*Confessio.
Disce à
mortuo.*

*Italus Co-
culci 15.
Iulij 1583.
Oratio 33.
Soc. 15.*

*B.V.
Mortific.
Castitas.*

*Oratio,
Zelus
animarum.*

Charitas.

*Mors,
B.V.*

B.V.

clavi incubasse. Anno 1616. senem Vlyssiponæ (quem olim confitentem audierat) per quietem inuifit, se illi spectandum obtulit, grauitèrque monuit vt peccata pœnitentiæ sacramēto elueret; id quod ab annis iam triginta omiserat.

P. RVDOLPHVS
AQUAVIVA ET SOCII.

Claros natales, iam inde à puero, nobili virtute ornauit, quando augustissimæ Dei Matris officio quotidie recitato, sabbato singulis hebdomadis perseueranter ieiunabat, & per quatuor ferè horas orandi spacia producebat. Adolescens postea, vti Thomas, fœminam impudicam tione fugauit; ab eo tempore nihil in carne vnquam rebellionis expertus. In Societate quotidie per horæ dimidium se acriter verberabat, vt Indiam impetraret. Ad Mogores ire iussus, præter eos quos exantlabat labores, corpus mirè varièque verabat pro eo populo ad Deum adducendo. Inde Goam, hinc ad Salfertis insula, Superiorum missu, profectus est: vbi à barbaris gladio sub genibus vulneratus cecidit in genua, & collum ad vulnus mortemque accipiendam explicuit ac exporrexit: quo tempore collum illi gladio transfixum est; alio illi humerum vulnerante, alio sagittam ex arcu expediente in pectus. Moriens: *Ignosce, aiebat, illis, Deus meus! S. Xauei, or a pro me!* Tum ter adiecit: *Iesv, suscipe hanc animam meam* Bernardinus Nursinus, postea inclyti illius Fundatoris, Camilli de Lellis, socius, Rudolpho tum adhuc in Italia agenti dixerat: se à Beatissima Virgine accepisse illum fore martyrem ibi quò ire optabat. P. Ioannes Fernandus noster, hoc eodem 1583. anno, & 15.

Iulij die vidit totam seriem eius cædis quæ tunc in Rudolpho, & sociis patrabatur; Angelo ei dicente: id ad gloriam Dei esse. Conspectus etiam est Rudolphus in coronâ gemmis conspicuâ. Anno 1613. Neapoli quidam dicebat; Rudolphum non esse venerandum, etiam priuatâ reuerentiâ, quippe qui apud barbaros vitâ non nisi per infortunium sit priuatus. Is ipse postea Vicario Archiepiscopi discretè dixit; sibi adfuisse Rudolphum luce multâ illustrem, & interrogasse, num se nosset? Neganti verò sibi, dixisse; Cur ergò ignotum lacefferet? se esse Rudolphum quem ipse linguâ perstrinxisset; & euauisse. Vnâ cum Rudolpho tunc trucidati sunt hi socij:

P. Alphonsus Patiecus.

Huic lancea in pectus adacta. Dum extremum collo vulnus expectaret: *Christe, inquit, lancea pro me confixe; per illam tuam lanceam te rogo, parce his; & novos fidei magistros eis mitte.* Sic obiit. Aiunt, in ore occisi repertum cereum agnum Dei, impresso SS. IESV nomine insignem, quem paulò ante ori, velut pro tessera sui agonis, immiserat.

P. Petrus Berna.

Idola euertit; fornicarum gregem (quem barbari colebant) egestâ terrâ dissipauit, & sale consperfit; illis idperquàm indignè furenterque ferentibus. Inde coortum in illum ex illo fidei zelo plurimum odium; & pulchra mors. Vertex illi amputatus; oculus alter telo traiectus.

P. Antonius Franciscus.

Solebat hic inter eleuandum in sacrificio sacram hostiam martyrium à Deo flagitare; vt per illud hostia fieret Deo vino. Ipso quo cæsus est die, sacer sanguis in calice sacrificantis ad calicis vsque labrum exundans ebullit, diuinâ significatione mirabilis, & cor accendens.

Angelus.

Calum.

Lingua.

Hispanus
ibid. etat.
34. Soc. 16.
Charitas.
Mors.

Or.
Iesv.

Italus ibid.
etat 30.
Soc. 6.

Fides.

Lustranua
ibid.
Sacram.

Fran-

Confessio.
Disce à
martyro.

Italus Co-
culi 15.
Iulij 1583.
etat 33.
Soc. 15.

B V.
Martyr.
Cassitas.

Oratio.
Zelus.
animatum.

Charitas.

Mors.
B V.

B V.

Franciscus Ananea. Coad.
 Laurâ domi re natus. Coculiniis dicebat; se apud illos templum Christo excitandum moliri; quemadmodum alibi quoque iam fecerat. Illi rabie inde incensi, ferro in gutture, ferro in costis vulneratum atque prostratum, seminecem circa idolum rapuere. Cum iuberetur pede altero stans idolum supplex adorare, ac id execratus, negaret se lapidibus daturum quod Dei esset, arbori alligatum, pro scopo collocare, sagittis petuere; omnibus in eum, & socios inter iaculandum conclamantibus: *Hic templum erigetis: hic Crucem figetis.* Paruuli, paruulæque iras maiorum pro modulo imitati, corpus illius vellebant, fodiebantque mucronibus, telis, arundinibus, manibus, &c. Instrumenta sanguine illius & sociorum vincta, idolis consecrata. Supremum vulnus Francisco in vertice impositum: & ille fidem professus illico emortuus est. Ferunt, olim arcæ cuidam incubantem Franciscum vaticinatione verâ prædixisse, fore ut olim in odium fidei casus in illa conderetur. Euentus veritatem dicti affirmavit.

P. GEORGIUS RIGIVS.

Luscianus Conimbri- ex 15 Julij 1614. ætat. 87. Soc. 67. Oratio.
Mortific. Humilitas.
Modestia.
 Per annos 40. Conimbricæ Ministri officio mirabili virtutis laude, ac ministrorum exemplo functus est. Mirabatur fieri posse ut mens orantis aliud vageretur. Ex ægri vlcere manantem saniam semel iterumque exsuxit oblatam sibi 4. votorum professionem non admisit, tribus contentus vulgo voce omnium domi, & foris sanctus dicebatur. Fœminæ vocabulum egrè vsurpabat, aded verecunda illi fuit lingua. Oculi pudici modestique. Vnde illos nunquam efferebat.

Rarissimè prodibat in publicum intra biennium cerpè vix semel domo pedem extulisse est deprehensus. Integra illi semper fuit Virginitatis gloria, imò, & conscientia ab omni per omnem vitam letali labe illesâ; nullo & iam veniali peccato in Societate plenâ voluntatis deliberatione admissio.

P. IOSEPHVS DE CALATAYVD.

Hispanus Gandiæ 15. Julij 1616. ætat. 71. Confessarius. Oratio.
Confessarius.
Missioni.
Oratio.
Purgator.
Confes. quotidian. Sacrum.
Resp. humani.
Mortific.
 Gandiæ per annos 40. summâ nauis operarij laude eximiaque virtute perstitit. Quidam de illo dixit, cum ad illum peccata expiaturus accessisset, illum à se visum toto vultu radiis collucente; seque ab illo grauium scelerum admorum, quæ hætenus abdite occultasset. Nihil unquam colloquiorum in sacro illo tribunali admisit, magnâ Sacramenti, & loci veneratione. A loco quopiam in quo missionem meditabatur, à viro quodam potente abesse iussus, exiuit; ad Christum illum prouocauit pulvere quoque de pedibus diligenter excusso: & miser ille mox repentinè corruit, vitâ functus. Pater verò à ciuibus reductus est. Quosdam sanos comonuit, ut se vicinæ morti pararent. Fecere, ac breui mortem obièrunt. Alii contra ægris, ac depositis, morbo illi fore superstites ex vero prædixit. Diuinum officium recitantem illustris è purgatorio cælum petens anima salutauit ut fama est. Ante sacrificium quotidianâ se confessione parabat, & in illo celebrando totus lachrymis inundabat; nunquam infra mediæ horæ spatium operatus, ne Deo, ut aiebat, & sancto fundatori faceret iniuriam in hominum gratiam. Quotidie semel ac iterum in se acriter sæniebat, dimidio corpore cilicio textus propè assiduè, Castitas illi semper integerrima

regerrima flore virgineo, præceptrix magnæ illius modestiæ, quâ enitescabat, oculis potissimum; quorum modestiæ aiebat singularem in cælis gloriam seruari; sicut oculis S. Ioannis Evangelistæ. Silentium nunquam omnino violauit.

P. ANTONIVS
MAZERVVS.

HVnc præclari vtilisque labores, & non vnum in aduersis fortiter ferendis experimentum plus quam ordinariâ virtute inclytum reddidit. Cum obtentu nescio quo, à superiore durioris ingenij fuisset à Societate dimissus, sibi benè conscius cessit præcipiti tempestati; & Episcopo interea diligentem operam dedit, Societatis veste nunquam dimissâ, neque vllâ mercede admissâ; ne quid peccaret contra nostri ordinis institutum. Per scriptâ totâ eâ re ad Claudium Aquanuiam tunc Præpositum Generalem, ac Romæ expensâ, iis quæ contra illum afferebantur auditis, inconsideratè cum eo actum pronunciauit Claudius adeoque Antonius in Societate retentus est: in qua supra quinquaginta annos vixit, obedientiæ potissimum laude insignis. Rogatus à Rectore aliquando an, si iuberetur paratus esset per Urbem incedere sine veste; illicò vestem exiit, & promptum se ad eundem quocumque iuberetur stitit. Si vel domi quopiam verbo lacefferetur, vel foris in cultione barbarorum telis impeteretur, fustibus verberaretur, serenâ fronte perstitit, semper roboris sui compos. Tot licèt annos, & cum laude insigni nobiscum esset, neque tamen in vllum gradum cooptaretur, altâ obliuione omissus, tamen obliuionem illam pari silentio sepeliuit, neque contra vnquam quic-

quam vel dixit, vel scripsit.

P. IOANNES
SIGERSREITTER.

CVm (quemadmodum scripsi in Cannuis) olim iuuenis Dilingæ in theatro peccatoris ad Deum seridè conuersi ac vitæ antea actæ dedecora desistentis personam ageret, diuino instinctu, se sensit veris lachrymis suffusum. Ergò ream, & veteris licentiæ non immemorem conscientiam coram Deo, Dei que Matre affluenter deplorauit post scenam absconditus. Inde illi gliscentes bonæ scintillæ in pectore iam Purgato, eò increuere, vt animum ad obeunda S. P. Ignatij exercitia prudenter adiecerit, ac Societatem perierit, & impetrârit. In qua humaniora, & Philosophiam docuit; rexit collegia Ratisbonæ. Dilingæ, Monachij: tum sex annis Nouitiis præfuit; mox tertianis per annos quatuor Cum Dilingæ Collegio, & Academiæ Rector præfesset, atque cum Henrico Episcopo drama quoddam spectaret, è summo Theatro, structoris incuriâ hominis demortui Caluarie ad P. Ioannis pedes vsque deuoluta, vsque adeò viam mortis illi seu imaginem, seu quoddam omen impressit, vt per septem ac viginti reliquos vitæ annos illam velut quotidianam expectârit. Vnde cubitum cõcessurus psalmum 50. recitabat, vt indulgentiis plenè auctus eâ nocte decederet, si Deus illam ei supremam destinasset. Moriens; Veni, aiebat, & mors optata, non me terrebis. Paratus sum, quantum id religiosus potest: plus tamen me parabo, si plus mihi temporis Deus indulerit. Cælestem spheram ad spectandum sibi oblatam sexto ante mortem mense intuitus: sperare se aiebat, non pictos veritatis

Germanus
Ingolstadij,
13. Iulij
1655 ætat.
72. Soc. 52.

Vocatio.

Mors.

Vesperis.

Mors.

veritatis

Mortific.
Castim.

Cast.
Oculi.
Modestia.

Innocentia.

Silentium.

Hispanus
Gandiz 15.
Iulij 1656.
Ætat. 71.
Confessarius.
Oratio.

Hispanus
Esteræ in
Paragu. 15.
Iulij 1653.
Ætat. 73.
Soc. 51.

Confessarius.

Vocatio.

Missionis.

Oratio.

Purgator.

Obed.

Confess. quod-
tid.
Sacrum.

Resp. huma-
ni.

Mortific.

Humil.

verum veros caelos intra semestre spectaturum. Ad Prouincialem Congregationem euntibus valedixit, tanquam interea moriturus. Et obiit antequam illi reuerterent; vir egregie humilis, pius, & candidè sua dubia proponens etiam iunioribus proponentibusque non prius respondens quam petito è caelis lumine: ac nonnunquam dicens,

Oratio.

se nescire quid sit respondendum. Sacrificium missæ, Christi patientis historiam, & ordinarias suas exomologeses lachrymis aliquando asperxit; sed, illam potissimum, quam pro vicimo Iubileo instituit, Tenerimus in eo amor paupertatis, & regularum: quippe quas ne quidem in atomo lædi vellet.

XVI. DIE IULII.

P. P E T R V S
S A N C I V S.

ue sociorum à medicis depositorum preces vbi fudit, disertè pronunciauit, & ex vero, in vita mansuros.

Hilpanus
Mexici 16.
Iulij 1609.
ætat. 31.
Soc. 58.

Vocatio.

Humilitas.

Manè.
Mortific.
Sancti.

Paupertas.

Mexicana epistola disertè affirmat, illum Cöpluti sensisse se verbis quasi à caelesti voce articulatè expressis ad Societatem Iesv impelli. Huic obsecutus, auditis postea Indicis literis, suam desideriam obiurgans excitabat sese, ac voto firmavit, se Societati, quantum in se esset, in infimis coci aliisque officis famularum. Mexicana deinde Prouinciæ fundamenta iecit, navigatione cymbalis horas earumque exercitationes designantibus distinctâ, planeque sanctâ illuc profectus. Ibi tria erecta ab illo seminaria iuuentur; & Collegiorum initia constituta. Per ipsos 25. annos postmeridianam lectionem habuit ad concionem; vbi etiam librum de Regno Dei lucubrauit, postea luce donatum. Statas habuit suas flagellationes matutinas, crebram in ediam; perpetuam à vino abstinentiam. Cum sanctis familiaritas illi tantâ fuisse perhibetur vt obuios cælites, vel ex ipsa oris specie se agnoscere posse affirmaret. Mortis accepto nuncio vnicam è papyro icunculam retinuit; reliqua superioribus dedit, vt pauperrimus moreretur. Ipse certè pro vno altero-

P. F R A N C I S C V S
B A S I L I V S.

Anno 1559. triennis relictus orphanus, à Beatris Patris Sorore cœnobij Polizziensium sanctimonialium Antistita in ipso cœnobio educatus est ad annum ætatis vsque octauum; id quod eâ tempestate in vŭ fuit. Societatem anno 1572. amplexus, Romæ in Theologia Francisci Suarez discipulus, postea Philosophiam, Theologiam conciones pro dignitate tractauit; aded, vt religiosas virorum & virginum domos egregie locupletârît. Illum dicentem Messanæ cum audiret fœmina sterile hæctenus matrimonium suum dolens; ô, aiebat; si vel vnum filium à Deo impetrarem quem dedicare possem Sancto isti ordini in quo tam raræ virtutis viri sunt. Et anno euoluto filium peperit qui tamen vnicus, Societati se addidit. B. V. officium quotidie recitauit, ieiuniis quoque ad illius festa adiectis. In S. Iosephi honorem etiam horarias preces composuit. Noctu quoties expergeſcebat, dicebat: Benedicta sit S. Trinitas,

Italus Med.
fanz 6. 14.
lij 16. 22.
Ednasar.

Concio.

B. V.

S. Ioseph.

SSS. Trin.

nit,